



Sesida dals

8 da zercladur 2021

Communitgà ils

9 da zercladur

Protocol nr.

550/2021

## **Dumonda Gort**

concernent l'elavuraziun d'in concept d'emprim agid

### **Resposta da la Regenza**

Per il chantun Grischun è vegnì elavurà gia l'onn 2011 in concept "First responders en il chantun Grischun". Las gidantras ed ils gidantras d'emprim agid, er numnads first responders, duain prender las mesiras ch'èn necessarias respectivamain adequatas per l'emprim provediment da persunas ch'èn d'aventadas grevamain malsau-nas u che han gì in grev accident, fin che las forzas d'acziun professiunalas arriván. Quest concept è resultà da l'experientscha, che las forzas d'acziun professiunalas dovran en tscherts lieus memia ditg fin ch'ellas arriván al lieu d'acziun. Da l'autra vart na giustifitgescha la frequenza bassa da las acziuns en quests lieus betg l'installa-zion da basas d'ambulanza supplementaras.

In provediment cumplexsiv dal chantun cun first responders premetta che questa in-cumbensa vegnia surdada ad in'organisaziun ch'è activa en tut il chantun. Cun il con-clus dals 26 da matg 2020 (prot. nr. 471/2020) ha la Regenza incumbensà il Salva-ment alpin svizzer (SAS) da stabilir l'organisaziun "First responders en il chantun Grischun". La finamira da 350 first responders ch'èn repartids sin l'entir territori chan-tunal duai vegnir cuntanschida cun gruppas da mintgamai tschintg first responders. Mintga gruppa da first responders vegn equipada cun in satgados d'urgenza, cun in defibrillatur extern automatisà (AED) sco er cun il material da sanidad necessari.

En il punct central da svilup 6.1 prevesa il program da la Regenza per ils onns 2021 fin 2024 "Cun in provediment da la sanadad integrà vers l'avegnir" tranter auter, che las concepziuns existentas en il sector dals fatgs da salvament dal servetsch sanitar duain vegnir adattadas – resguardond la finanziabladad e la necessitad – a las sfidas futuras. Las collavuraturas ed ils collavuratur da l'Uffizi da sanadad èn occupads gia dapi circa in onn cun la superaziun da la pandemia dal coronavirus, uschia ch'igl è da far quint cun retards en connex cun la realisaziun dals puncts centrals da svilup da la politica da sanadad.

*Tar la dumonda 1:* Durant la fasa d'installaziun tras il SAS vegnan ils first responders clamads en servetsch a chaschun d'in eveniment tras la Centrala dal clom d'agid sanitar 144 (Centrala 144) cun agid d'in SMS. Previsiblamain a partir dal 1. da zercladur 2021 vegn il SAS ad applitgar ina software specifica en l'internet per administrar e per clamar en acziun ils first responders (app mobila).

*Tar la dumonda 2:* Il chantun na registrescha betg ils lieus dals AED publics en il chantun. La Centrala 144 n'enconuscha pia betg ils lieus correspundents. La registraziun e la tgira da questas datas n'è betg pussaivla cun il dumber da persunal actual da la Centrala 144. Persunas privatas, fundaziuns privatas ed uniuns han publictà chartas che cuntegnan lieus annunziads dals AED (per exempel: Defikarte.ch (da consultar sin: <https://defikarte.ch/index.html>); herzsicher.ch (<https://www.herzsicher.ch/map/karte.html>) ubain uMap (<https://umap.osm.ch/de/search/?q=Defibrillatoren>). Damai che questas chartas n'èn ni cumpletas ni verificadas uffizialmain, na po la Centrala 144 betg duvrar ellas. Correspudentamain pari dad esser pli cunvegnent da sa drizzar a la Confederaziun. Quella pudess stgaffir l'obligaziun ch'ils cumpraders dals AED ston annunziar ad in post central ils lieus inditgond las coordinatas e l'accessibladad dals AED.

*Tar la dumonda 3:* Per segns da salvament vala la norma internaziunala ISO 7010. Ils pictograms dals segns da salvament èn alvs e sa chattan sin ina tavla rectangulara cun in fund verd ed in ur alv. Per signalisar ils lieus dals defibrillaturs sto – tenor questa norma – vegnir duvrà il segn da salvament "E010 defibrillatur extern automatisà (AED)". Ina signalisaziun unitara che vala mo per il chantun Grischun n'è perquai betg raschunaivla.

*Tar la dumonda 4:* Cun il conclus dals 4 da matg 2021 (prot. nr. 400/2021) ha la Regenza incumbensà l'Uffizi da persunal da garantir la segirezza a la piazza da lavur, la sanadad en il manaschi ed il management da la cuntinuitad da las fatschentas (BCM) per tut ils posts da servetsch da l'administraziun chantunala. En il rom da questa incumbensa vegnan tranter auter tematisadas er la necessitad dals AED, la registraziun e la signalisaziun da lur lieus.



En num da la Regenza

Il president:

Dr. Mario Cavigelli

Il chancelier:

Daniel Spadin